



# **Universitätsbibliothek Paderborn**

**Formularium Episcopale**

**Barbosa, Agostinho**

**Coloniae Agrippinae, 1680**

68. Ecclesia à qua Episcopus de suo co[n]sensu transfertur, eo tempore  
vacat, quo idem Episcopus ab illius vinculo in Consistorio absolvitur,  
etia[m] ante expeditionem litterarum vel adepta[m] ...

**urn:nbn:de:hbz:466:1-10456**

Confessionibus audiendis, sive in prædicando aduersus ea quæ superius declaravimus, quoquo modo deliquerint, in vim earumdem præinfertarum litterarum ab Episcopo Gien. coerceri & puniri possint, etiam censuris Ecclesiasticis, sive & non aliter in præmissis omnibus, & singulis, per quoscunque Judices Ordinarios & delegatos, & causarum Palatii Apost. Auditores judicari, & defeniri debeare, ac irritum & inane, quidquid securus super his à quoquam quavis auctoritate scienter, vel ignoranter contigerit attentari. Non obstantibus omnibus illis, quæ in præinsertis litteris hujusmodi voluimus non obstat, ceterisque contrariis quibuscunque. Dat. Romæ apud S. Petrum sub annulo Piscatoris die 30. Januar. 1639. Pontif. nostri anno 6.

Postmodum hac de re in Sacra Congr. S. R. E. Cardinalium negotiis ac consultationibus Episcoporum ac Regularium preposita dubitatum fuit, an Episcopus, Regulares ad Confessiones personarum secularium audiendas approbavit, possint eodem ex nova causa ab eisdem Confessionibus audiendis suspendere, aut licentias illis concessas revocare, non obstantibus quibuscunque privilegiis in favorem quarumcunque personarum atque Ordinum, & qualis hujusmodi causa esse debeat? Eadem S. Congreg. censuit Episcopum quamvis simpliciter, & absque ulla temporis præfinitione approbavit Regulares ad Confessiones personarum

secularium audiendas, posse tamen eodem, si nova causa superveniat, ut supra suspendere, ac licentias illis concessas revocare, dummodo hujusmodi confessiones ipsas concernat. Ceterum si Regulares cum scandalo, aut alias in honeste vivant, vel aliquod delictum committant, propter quod rationabiliter Episcopi iudicio videantur à Confessionibus suspendi; in quo ipsius Episcopi conscientiam voluit esse exoneratam, cum precipita ministri qualitas sit integritas vita ac morum honestas; utique eam causam ad ministrum confessionis pertinere, ac proinde nihil obstat, quominus ob eam possit Episc. Regulares non cunque a semetipso approbatos suspendere, aut expellere à confessionibus audiendis. Dat. Roma die 30. Angusti 1639 quam Sacra Congr. sententiam Sanctissimus D. N. ad se relatam approbavit die 31. ejusdem Fr. Antonius Cardinals S. Honifry P. Fagnanus Secret.

---

Ecclesia à qua Episcopus de suo consensu transfertur, ab eo tempore vacat, quo idem Episcopus ab illius vinculo, in Consistorio absolvitur, etiam ante expeditionem litterarum, vel adeptam Secundæ Ecclesiae possessionem, posteaquam verò ext testimonio, seu documento Secretarii Sacri Collegii, vel alio hujusmodi absolutio-  
nis notitiam Episcopus trans-  
latus habuerit.

## LXVIII.

## LXVIII.

Part. 3. alleg. 119. n. 9.

URBANUS Papa VIII. ad perpetuam rei memoriam.

**N**Obis pro parte dilectorum filiorum Cleri Hispaniarum expositum fuit, quod occurrentibus in illis Regnis Ecclesiarum Cathedralium, per dimissionem, sive translationem vacationibus, vacationem non induci prætenditur, quoisque Episcopus translatus Ecclesiæ noviter obtentæ, ac successor dimittentis Ecclesiæ dimissæ possessionem adepti non fuerint. Ideoque tam ipsos Episcopos, quam eorum Vicarios interim Ordinariam Jurisdictionem retainere, eoque sub prætextu, quod cum translationes & dimissiones hujusmodi de translatorum, & dimittentium consensu fiant, non intelligatur Ecclesia dimissa, neque Episcopus ab illius vinculo absolutus, quoisque de hujusmodi consensu non constiterit, de quo minime constare potest, cum à tergo litterarum Apostolicarum non adnotetur, prout fieri solet, in expeditionibus beneficiorum inferiorum, quæ fiunt per consensum, nec de illo sit adnotatio particularis, de qua Secretarii Consistorialis attestatio haberi queat: unde oritur, quod Jurisdictio penes Episcopum translatum, seu dimittentem videatur, quoisque de tali consensu appareat per aliquem actum positivum subsequentem, qui non nisi ex capta possessione vigore litterarum Apost. hujusmodi resultare potest. Nos inconvenientibus & litium

anfractibus, quæ ex præmissis oriti possunt, quantum cum Domino, possumus, obviare, ac Clerum hujusmodi specialibus favoribus, & gratis prosequi volentes, & singulares illius personas à quibusvis excommunicationis, suspensionis & interdicti, aliique Ecclesiasticis sententiis, censuris, & poenis, à jure vel ab homine, quavis occasione, vel causa latis, si quibus quomodolibet innodatae existunt, ad effectum præsentium duntaxat: consequendum, harum serie absolventes, & absolutos fore censentes, supplicationibus illorum nomine Nobis super hoc humiliter porrectis, inclinati, de venerabilium Fratrum nostrorum S. R. E. Cardinalium Concilii Trid. Interpretum, quibus negotium hujusmodi maturè, ac diligenter examinandum, & nobis referendum commisimus consilio, Ecclesiam, à qua Episcopus de suo consensu transfertur, ab eo tempore vacare, quo idem Episcopus ab illius vinculo in nostro, & pro tempore existentis Rom. Pont. Consistorio absolvitur, etiam ante expeditionem litterarum Apost. vel adeptam secundæ Ecclesiæ possessionem: posteaquam verò, ex testimonio seu documento Secretarij Sacri Collegii, vel alio modo hujusmodi absolutionis notitiam, Episcopus translatus habuerit, illico eum exercitio ordinariae jurisdictionis abstinere debere, eamque in Capitulum transfire, ita ut statim Capitulum, eadem Jurisdictione ut, Sedem vacantem publicare atque officialem, seu Vicarium ad dicti Concilii

præ

præscriptum constituere possit, & debeat: præsentes quoque litteras perpetuo validas, firmas, & efficaces existere & fore, suosque plenarios & integratos effectus, sortiri & obtinere, nec non Clero prædicto in omnibus & per omnia suffragari, siveque per quoscunque Judices Ordinarios, & delegatos etiam causarum Palatii Apost. Auditores, ac ejusdem S.R.E. Cardinales, etiam de Latere Legatos, & Sedis Apost. Nuntios, quavis auctoritate fungentes judicari, & diffiniri debere, ac irritum & inane, si secus super his, à quoquam quavis auctoritate, scienter, vel ignorantiter contigerit attenari, Apost. auctoritate tenore præsentium decernimus, & declaramus, non obstantibus constitutionibus, & ordinationibus Apost. nec non Ecclesiarum hujusmodi, etiam jura-mento, confirmatione Apost. vel quavis firmitate alia roboratis statutis, & consuetudinibus, privilegiis quoque indulxis, & litteris Apost. in contrarium præmissorum quomodolibet concessis, confirmatis, & innovatis; quibus omnibus & singulis eorum testines præsentibus pro plenè & suffi-cienter expressis habentes, illis alias in suo labore permansuris, hac vice dumtaxat specialiter, & expresse de-rogamus; cæterisque contrariis qui-bu cunque. Dat. Roma apud S. Pe-trum sub annulo Piscatoris die 20.

Martii 1625. Pontif. nostri  
anno 2. V. Theatin.

Quod majorem post Pontificem in Cathedralibus, & principalem in Col- legiatis Ecclesiis dignitates obtinentes, & Canonici Magistralis, Doctorales, lecturæ, Pœnitentiarii, & Parochialium Ecclesiarum Rectores, non possint esse in Regnis Hispaniarum familiares, & communes Episcoporum, nec Officiales, seu Visita-tores.

## L X I X.

URBANUS Papa VIII. ad perpe-tuam rei memoriam.

**A**liás à fel. rec. Gregorio Papa XV. prædecessore nostro emanarunt litteræ ten: subsequentis, videlicet Gregor. Papa XV. ad perpetuam rei memoriam aliás fel. rec. Paulo Papa V. prædecessori nostro, nomine dilectorum filiorum deputatorum, & Congregationis Cleri Regnorum Castellæ & Legionis expositum, quod in penulti-mo Concilio Provinciali Toletano provide statutum & ordinatum fuerat, ut Canonicus Præbendam Doctorale aut Magistrale, vel illam obti-nens, cui munus legendi Sacram Scrip-turam incumbit nec non & Pœni-tentiarius Metropolitanus, vel Episco-pi Vicarius, Provisor, aut Visitator, non possit esse judex Ordinarius, vel delegatus universalis appellationum, quod etiam in Presbyteris Parochiales Ecclesiis obtinentibus, omnino obser-vari voluit: ne ab Ecclesiis, quarum

LI

Cura